

Bob blwyddyn, trwy fy adroddiad blynyddol, rwy'n cyflwyno argymhellion i Lywodraeth Cymru ynghylch y materion polisi allweddol lle mae gofyn bod y Llywodraeth yn gweithredu. Yn ystod y flwyddyn bydda i'n mynd ar ôl yr argymhellion hyn trwy gyfarfodydd gyda Gweinidogion a Dirprwy Weinidogion, swyddogion arweiniol, a rhanddeiliaid eraill, gan gynnwys plant a phobl ifanc.

Yna, bob chwarter, bydda i'n adrodd ar gynnydd y Llywodraeth, gan roi gradd Coch / Ambr / Gwyrdd i bob argymhelliad. Fy asesiad fy hun yw lliw'r radd, ar sail ymgysylltiad â'r holl rhanddeiliaid allweddol. Nid yw'r radd yn asesu a yw Llywodraeth Cymru yn cytuno â'r argymhelliad neu beidio. Mae lliw'r radd yn adlewyrchu a fu unrhyw newidiadau polisi ac ymarfer sy'n gwella bywydau plant yng Nghymru ac yn rhoi amddiffyniad pellach iddyn nhw fwynhau eu hawliau o dan CCUHP.

- Coch** Dim tystiolaeth o newidiadau polisi nac ymarfer ers cyflwyno'r argymhelliad. Dim gwelliant ym mhrofiadau plant.
- Ambr** Peth tystiolaeth o newid polisi neu ymarfer, ond nid yw'r argymhelliad wedi'i gyflawni'n llawn yn llwyddiannus eto.
- Gwyrdd** Argymhelliad wedi'i roi ar waith a gwahaniaethau amlwg ar gyfer plant a phobl ifanc sy'n derbyn gwasanaeth neu gymorth.

Er bod y broses hon o adroddiadau chwarterol wedi bod ar waith ers nifer o flynyddoedd, mae fformat y papur hwn wedi cael ei newid yn dilyn Etholiad Senedd Mai 2021. Mae'r fformat newydd yn gwahanu ac yn trefnu meysydd yn ôl themâu allweddol a blaenoriaethau. Y bwriad yw gwneud y papur hwn yn haws ei ddefnyddio ac yn fwy effeithiol, felly rydyn ni wedi cadw at eiriad cryno a chlir er mwyn ei wneud yn ddarllenadwy. Bydden ni'n croesawu unrhyw adborth ar fformat a chynnwys y ddogfen hon trwy post@complantcymru.org.uk

Os hoffech chi gael rhagor o wybodaeth am unrhyw feysydd gwaith a restrir yn y ddogfen hon, gallwch chi ddarllen ein hadroddiadau a dysgu mwy am ein cynllun gwaith cyfredol ar ein gwefan yma neu gallwch chi gysylltu â'n Pennaeth Polisi a Materion Cyhoeddus, Rachel Thomas ar 01792 765600 neu drwy e-bostio post@complantcymru.org.uk

IECHYD

Pwnc	Blynyddoedd pan godwyd y pwnc	Crynodeb o'r argymhellion	Gradd CAG	Gwaith diweddar CPC yn y maes hwn	Ble ydyn ni nawr? Beth hoffen ni weld erbyn Ebrill 2022?
'Llety diogel' Byrddau Partneriaeth Rhanbarthol (BPRhau)	2017-18 2018-19 2019-20 Gweler hefyd ein hadroddiad 'Dim Drws Anghywir' yma	Mannau diogel i blant mewn gofal sydd ag anghenion cymhleth fyw a derbyn cefnogaeth addas ac amserol, ym mhob rhanbarth o Gymru	AMBR	Rydyn ni wedi cwrdd â'r Dirprwy Weinidog Gwasanaethau Cymdeithasol i drafod y gwaith yma eto yn dilyn etholiad 2021. Rydyn ni wedi ailgychwyn ein hymweliadau craffu â BPRhau i'w holi am eu cynnydd ar y gwaith yma.	Mae 4 o'r 7 rhanbarth wedi gwneud cynlluniau i agor darpariaeth newydd, ond does dim byd wedi gallu agor eto. Erbyn mis Ebrill 2022 rydyn ni eisiau gweld llety newydd yn agor a chynlluniau tebyg yn cael eu cyflwyno gan y rhanbarthau sy'n weddill.
Gwasanaethau eiriolaeth mewn lleoliadau iechyd	2016-17 2017-18 2018-19 2019-20	Cynnig eiriolydd i bob plentyn sydd angen hynny wrth gael mynediad i wasanaethau iechyd, fel bod eu llais yn cael ei glywed	COCH	Rydyn ni wedi mynd ar ôl hyn yn rheolaidd gyda Llywodraeth Cymru, ond fe gawson ni wybod bod y gwaith wedi'i oedi oherwydd y pandemig. Rydyn ni'n ysgrifennu at LIC eto i godi'r mater unwaith yn rhagor a cheisio cynnydd ar frys.	Ni welwyd fawr ddim cynnydd yn y maes hwn ers i'm swyddfa greu'r egwyddorion ar gyfer y gwaith yma, i gynorthwyo LIC. Erbyn mis Ebrill 2022 rydyn ni eisiau gweld Llywodraeth Cymru yn ailgychwyn gwaith ar ganllawiau statudol ar gyfer eiriolaeth mewn lleoliadau iechyd.
Cefnogaeth yn dilyn ymosodiad rhywiol	2017-18	Lefel gyfartal o ddarpariaeth i bob plentyn ledled Cymru sydd wedi dioddef trais neu gam-drin rhywiol, 24/7	AMBR	Rydyn ni wedi cwrdd â Chyfarwyddwr newydd rhaglen SARC i drafod y gwaith yma, ac fe roddodd hi gyflwyniad yn sesiwn bord gron mis Gorffennaf 2021 ar	Roedd peth cynnydd wedi digwydd, ond roedd wedi colli momentwm. Erbyn mis Ebrill 2022 rydyn ni'n disgwyl gweld mwy o gynnydd ym mhob rhanbarth,

				Ecsbloetio/Cam-drin Plant yn Rhywiol.	nawr bod y Cyfarwyddwr newydd yn ei swydd.
Pontio ym maes iechyd	2018-19	Rhoi canllawiau newydd ar waith i sicrhau bod plant yn cael eu cefnogi ar hyd eu taith at dderbyn gofal gan wasanaethau oedolion, lle bo angen hynny	AMBR	Fe wnaethon ni ymateb i'r ymgynghoriad ar y canllawiau drafft, ond nid yw'r fersiwn derfynol wedi'i chyhoeddi eto. Rydyn ni hefyd wedi cyfranogi mewn trafodaethau gweithgor pellach i geisio sicrhau'r trefniadau cefnogi cywir ar gyfer plant a theuluoedd.	Nid oes cynllun na llinell amser clir ar gyfer cwblhau'r gwaith yma. Erbyn mis Ebrill 2022 rydyn ni'n disgwyl i'r canllawiau newydd fod wedi'u cyhoeddi, a'u bod yn cael eu rhoi ar waith.

ADDYSG

Pwnc	Blynyddoedd pan godwyd y pwnc	Crynodeb o'r argymhellion	Gradd CAG	Gwaith diweddar CPC yn y maes hwn	Ble ydyn ni nawr? Beth hoffem ni weld erbyn Ebrill 2022?
Iechyd meddwl a llesiant	2015-16 2019-20au	Cefnogaeth i iechyd meddwl a llesiant plant yn yr ysgol – dull gweithredu Ysgol Gyfan	GWYRDD	Rydyn ni wedi cyfranogi mewn gweithgor i sicrhau bod y fframwaith Dull Ysgol Gyfan yn cael ei gyhoeddi eleni. Rydyn ni'n parhau i graffu ar sut mae hyn yn cael ei gyfathrebu a'i raedru i ysgolion.	Rydyn ni'n falch o weld cyhoeddi'r canllawiau. Erbyn mis Ebrill 2022 rydyn ni eisiau gweld cefnogaeth i ysgolion roi'r canllawiau ar waith yn effeithiol.
Trafnidiaeth i Ddysgwyr	2015-16 2018-19	Canllawiau newydd ar gyfer cael mynediad i drafnidiaeth i'r ysgol ym mhob rhan o Gymru, i blant o bob oed	AMBR	Rydyn ni wedi bwydo i mewn i adolygiad LIC, ond heb weld canlyniad na chanfyddiadau. Rydyn ni wedi gofyn am ddiweddariad gan LIC gan ein bod yn pryderu am yr oedi pellach gyda'r gwaith yma.	Cychwynnwyd adolygiad 2020-21, ond nid yw'r canfyddiadau wedi cael eu cyhoeddi. Erbyn mis Ebrill 2022 rydyn ni eisiau gweld cynnydd ystyrlon a chanlyniadau i ddysgwyr ar

					sail canfyddiadau gwaith yr adolygiad.
Hawliau Plant yn y Cwricwlwm	2015-16 2016-17 2017-18 2018-19 2019-20	Cynnwys CCUHP yn y Bil Cwricwlwm ac Asesu fel bod pob athro a phlentyn yn gwybod am hawliau plant ac yn cael profiad o hynny yn amgylchedd yr ysgol	GWYRDD	Rydyn ni wedi cefnogi LIC i sicrhau bod hawliau plant yn cael eu nodi ar draws deunyddiau'r Cwricwlwm newydd, yn ogystal â sicrhau bod dyletswydd cysylltiedig â CCUHP yn ymddangos ar y Bil (sydd bellach yn Ddeddf).	Mae fy nhîm yn gweithio gyda LIC i gefnogi gweithredu'r ddyletswydd hon yn y Ddeddf. Erbyn mis Ebrill 2022 rydyn ni eisiau gweld canllawiau gan LIC i gefnogi ysgolion i ymgorffori hawliau yn eu cwricwla.
Addysgu gartref	2015-16 2016-17 2017-19 2018-19 2019-20 Gweler hefyd yr adroddiad hwn o'n hadolygiad ffurfiol yn 2020 yma	Mae angen deddfwriaeth newydd i sicrhau bod pob plentyn yn cael eu gweld a bod modd siarad â nhw am eu haddysg	COCH	Rydyn ni wedi cynnal adolygiad ffurfiol o gamau gweithredu LIC mewn perthynas â'r polisi hwn, a chafwyd bod diffyg sylw dyledus i hawliau plant ac na fu unrhyw gynnydd ystyrlon o ran polisi.	Mae angen gweithredu ar frys ar y gwaith hwn, gan ei fod wedi dod i stop mewn dau Dymor Senedd blaenorol. Erbyn mis Ebrill 2022 rydyn ni eisiau gweld gweithredu gan LIC i gyflwyno'r ddeddfwriaeth sylfaenol sy'n angenrheidiol i gyflawni'r newidiadau a gynigiwyd.
Ysgolion Annibynnol	2019-20 Gweler hefyd yr adroddiad hwn o'n hadolygiad ffurfiol yn 2020 yma	Safonau newydd mewn Rheoliadau sy'n sicrhau bod pob plentyn mewn ysgol breswyl yn cael eu cadw'n ddiogel ac yn cael cefnogaeth dda o ran eu hanghenion addysgol a bugeiliol	COCH	Rydyn ni wedi cynnal adolygiad ffurfiol o gamau gweithredu LIC mewn perthynas â'r polisi hwn. Yn amlwg, cafodd y pandemig effaith ar y gwaith hwn, ond mae angen gweithredu ar frys, gan fod LIC wedi bod yn ymwybodol o fylchau yn y trefniadau diogelu ers blynyddoedd lawer bellach, fel y canfu'r Adolygiad.	Rydyn ni'n deall bod LIC yn cynnig cynnal adolygiad "ar bob lefel" o'r ddeddfwriaeth a'r canllawiau i ysgolion annibynnol. Mae hyn i'w groesawu, gan fod angen gwneud hynny ers meitin. Erbyn mis Ebrill 2022 rydyn ni eisiau gweld cynnydd pendant ar yr adolygiad hwn a llinell amser ar gyfer cyflwyno'r

					ddeddfwriaeth a'r canllawiau angenrheidiol.
Cyberthynas lach	2017-18	<p>Rhaid i ddatblygiad pellach y Cōd a'r Canllawiau drafft ar gyfer Addysg Cyberthynas a Rhywioldeb [RSE] gymryd barn a phrofiad pobl ifanc i ystyriaeth.</p> <p>Rhaid symud ymlaen hefyd gydag argymhellion ehangach Panel Arbenigwyr 2017, yn arbennig dysgu proffesiynol a datblygiad dulliau ysgol gyfan o ymdrin ag Addysg Cyberthynas a Rhywioldeb.</p>	AMBR	Rydyn ni wedi bod yn arsylwi'r grŵp rhanddeiliaid ar Addysg Cyberthynas a Rhywioldeb [RSE] ac wedi ymateb yn helaeth i'r ymgynghoriad diweddar ar y Cōd Addysg Cyberthynas a Rhywioldeb. Rydym ni hefyd wedi cael sawl cyfarfod gyda swyddogion mewn ymgais i gryfhau'r canllawiau.	<p>Rydym ni wedi cyflwyno'r newidiadau i'r Cōd sy'n angenrheidiol yn ein barn ni yn ein hymateb ymgynghori.</p> <p>Erbyn mis Ebrill 2022 rydym ni eisau gweld Cōd diwygiedig yn cael ei gyflwyno, yn barod i'w weithredu ym mis Medi 2022.</p>

GOFAL CYMDEITHASOL A CHYFIAWNDER IEUENCTID

Pwnc	Blynyddoedd pan godwyd y pwnc	Crynodeb o'r argymhellion	Gradd CAG	Gwaith diweddar CPC yn y maes hwn	Ble ydyn ni nawr? Beth hoffon ni weld erbyn Ebrill 2022?
Cefnogaeth i Ymadawyr Gofal	<p>2016-17 2017-18 2018-19 2019-20</p> <p>Gweler hefyd ein hadroddiad Breuddwydion Cudd yma a'r camau dilynol yma</p>	<p>Mae angen deddfwriaeth newydd er mwyn:</p> <ul style="list-style-type: none"> Sicrhau cefnogaeth Ymgynghorydd Personol i bawb hyd at 25 oed Ehangu'r dyletswyddau sydd gan gyrrff cyhoeddus i weithredu fel Rhieni Corfforaethol 	AMBR	<p>Rydym ni wedi codi'r materion hyn yn rheolaidd gyda LIC, gan geisio sicrhau'r ymrwymadau maen nhw wedi'u gwneud mewn ymateb i'n gwaith a'n hadroddiadau.</p> <p>Rydym ni wedi cyfranogi mewn nifer o weithgoreu ar rianta corfforaethol a chefnogaeth i ymadawyr gofal. Fe gyflwynon ni lythyr ar y cyd at Weinidog yr Adran</p>	<p>Rydym ni'n nodi ac yn croesawu'r ymrwymadau yn y Rhaglen Lywodraethu; mae'n hanfodol bod yr ymrwymadau hyn yn cael eu cyflawni.</p> <p>Erbyn mis Ebrill 2022 rydym ni eisau gweld amserlen ar gyfer gweithredu'r diwygiadau hyn yn y ddeddfwriaeth, ynghyd â chynllun ar gyfer cynnwys</p>

				Gwaith a Phensiynau, yn ceisio sicrhau newidiadau ar unwaith i'r Gyfradd Llety a Rennir – a digwyddodd hynny.	plant wrth ddatblygu Siarter Rhianta Corfforaethol.
Cefnogaeth i Ymadawyr Gofal	2016-17 2017-18 2018-19 2019-20 Gweler hefyd ein hadroddiad Breuddwydion Cudd yma a'r camau dilynol yma	LIC i gyhoeddi gwybodaeth ynghylch sut mae cael mynediad i gefnogaeth ariannol a'r pethau y dylid gallu eu hawlio	AMBR	<p>Fe wnaethon ni alw am weliannau i'r wybodaeth ariannol sy'n cael ei chyhoeddi nôl yn 2017, ac rydyn ni wedi parhau i fynd ar ôl y galwadau hynny gyda LIC.</p> <p>Rydyn ni hefyd wedi cynnal ein hadnodd Fy Nghynllun â gwybodaeth a chyngor i ymadawyr gofal.</p>	<p>Rydyn ni'n ymwybodol bod Llywodraeth Cymru wedi darparu peth cyllid i Plant yng Nghymru a Llesiau o Ofal Cymru i ddatblygu adnoddau ar gyfer pobl ifanc sy'n gadael gofal, sydd ar gael yma: Prosiect Paratoi I Plant yng Nghymru</p> <p>Mae angen i Lywodraeth Cymru sicrhau bod pob ALL yn darparu cyngor ac arweiniad wedi'u diweddarau, sy'n benodol i'r gwasanaeth, i ymadawyr gofal ar y gefnogaeth ariannol sydd ar gael iddyn nhw.</p> <p>Rydyn ni hefyd yn croesawu cynnwys Ymadawyr Gofal ym Mheilot Incwm Sylfaenol Cyffredinol Llywodraeth Cymru.</p> <p>Erbyn mis Ebrill 2022 rydyn ni eisiau gweld mynediad eang at wybodaeth ariannol i bawb sy'n gadael gofal.</p>

Cyswllt â siblingiaid ar ôl mabwysiadu	2016-17	Gwreiddio cyswllt â siblingiaid ym mhrosesau cynllunio ac adolygu gofal pob plentyn sydd mewn gofal	AMBR	<p>Trwy ein rôl arsylwi ar Fwrdd Llywodraethu'r Gwasanaeth Mabwysiadu Cenedlaethol rydyn ni'n ymwybodol o ymrwymiad cynyddol i archwilio trefniadau cyswllt parhaus gyda'u teuluoedd biolegol ar gyfer plant a fabwysiadwyd.</p> <p>Rydyn ni wedi cyhoeddi canllaw newydd ar gyfer dull gweithredu seiliedig ar hawliau o ymdrin â gwaith cymdeithasol, a gallwch ei ddarllen a'i lawrlwytho yma</p>	<p>Mae Lleisiau o Ofal, Plant yng Nghymru a'r Gwasanaeth Mabwysiadu Cenedlaethol wedi annog arfer da a chynhyrchu canllawiau i bobl ifanc ar gyswllt â siblingiaid. Fodd bynnag, ni wnaed newidiadau i ddeddfwriaeth na chanllawiau.</p> <p>Erbyn mis Ebrill 2022 rydyn ni eisiau gweld safonau cenedlaethol cliriach yn eu lle i sicrhau, pan gaiff plant eu rhoi mewn gofal, neu eu mabwysiadu, fod Awdurdodau Lleol ac Asiantaethau yn rhoi cynlluniau ar waith fel mater o drefn i gefnogi cyswllt â siblingiaid, os nad oes modd lleoli plant gyda'i gilydd.</p>
Cefnogaeth i bobl ifanc sy'n gadael gofal preswyl	2016-17 2019-20 Gweler hefyd ein hadroddiad Y Gofal Cywir yma	<ul style="list-style-type: none"> • Cefnogaeth gyfatebol i'r cynllun Pan fydda i'n Barod ar gyfer y rhai sy'n gadael gofal maeth, fel nad yw'r gefnogaeth i bobl ifanc sy'n gadael gofal preswyl yn dod i ben yn sydyn wrth iddyn nhw gyrraedd 18 oed • Rhoi protocol ar waith i atal pobl ifanc rhag cael 	AMBR	Mae CPC yn cyfranogi mewn nifer eang o grwpiau sy'n archwilio'r materion hyn, megis y Bartneriaeth Dileu Digartrefedd Ieuentid a Grŵp Tai a Gwasanaethau Cymdeithasol Llywodraeth Cymru, ac mae'n gweithio gyda sefydliadau i ddatblygu'r Protocol, a arweinir gan y 4C.	<p>Er bod Rhaglen Lywodraethu LLC yn ymrwymo i ddiwygio'r system ofal mewn modd radical, mae'n rhaid i hynny gynnwys cryfhau'r trefniadau pontio i bobl ifanc sy'n gadael gofal preswyl.</p> <p>Erbyn mis Ebrill 2022 rydyn ni eisiau gweld y protocol yn cael ei weithredu, yn ogystal â chynnydd o ran y</p>

		eu troseddoli'n ddiangen am fân bethau		Rydyn ni hefyd yn gweithio i archwilio mater llefy heb ei reoleiddio ar gyfer pobl ifanc 16 ac 17 oed.	gefnogaeth i bobl ifanc sy'n gadael gofal preswyl.
Elw mewn gwasanaethau gofal	2017-18 2018-19 2019-20 Gweler hefyd ein galwadau maniffesto ein hunain yn 2021 yma	Dileu'r arfer o wneud elw o wasanaethau gofal plant, yn unol ag ymrwymiad maniffesto'r blaid Lafur yn 2021	AMBR	Rydyn ni wedi cyflwyno tystiolaeth i ymchwiliad yr awdurdod Cystadleuaeth a Marchnadoedd i elw mewn gwasanaethau gofal. Rydym ni hefyd wedi cwrdd â Gweinidogion a swyddogion LIC, ac aelodau eraill o'r Senedd, i drafod symud ymlaen gydag ymrwymiad y maniffesto yn y Tymor Senedd hwn.	Roedden ni'n croesawu'n fawr yr ymrwymiad clir i hyn yn Rhaglen Lywodraethu Llywodraeth Cymru. Erbyn mis Ebrill 2022 rydym ni eisiau gweld gwaith yn digwydd gyda'r sector i wireddu'r ymrwymiad hwn.
Cyfiawnder Ieuentid	2019-20	Mae angen cynnydd ar frys i gyflawni nodau a chymau gweithredu'r Glasbrint Cyfiawnder Ieuentid	COCH	Rydym ni wedi mynychu a chydlynu llawer o gyfarfodydd gyda'r Llywodraeth a chyrrff cyfiawnder ieuentid i geisio annog cynnydd. Fe wnaethon ni gynnal y seminar flynyddol gyntaf ar blismona a chyfiawnder eleni. Rydym ni'n cefnogi Heddluoedd, Lleoliadau Diogel a Thimau Trosedd Ieuentid i roi dulliau gweithredu seiliedig ar hawliau plant ar waith, ac rydym ni wedi gwthio am foderneiddio'r cyfleusterau yn Parc YOI a chynnig	Rydym ni'n croesawu'r Glasbrint, ond ni fu digon o ffocws ar symud yr elfen cyfiawnder ieuentid ymlaen hyd yma. Erbyn mis Ebrill 2022 rydym ni eisiau gweld cynnydd pendant ar lety newydd yng Nghymru i bobl ifanc sydd yn y ddalfa, yn ogystal â chefnogaeth ehangach i'w hanghenion.

				dewisiadau amgen yn lle'r ddalfa.	
--	--	--	--	-----------------------------------	--

TACLO ANGHYDRADDOLDEB

Pwnc	Blynyddoedd pan godwyd y pwnc	Crynodeb o'r argymhellion	Gradd CAG	Gwaith diweddar CPC yn y maes hwn	Ble ydyn ni nawr? Beth hoffen ni weld erbyn Ebrill 2022?
Tlodi plant	2015-16 2016-17 2017-18 2018-19 2019-20 Gweler hefyd ein hadroddiad 'Siarter ar gyfer Newid' yma	Cynllun clir gan LIC yn nodi sut byddan nhw'n cefnogi plant a theuluoedd sy'n byw mewn tlodi, ac yna cyflawni'r cynllun hwnnw.	AMBR	Rydyn ni wedi cyfranogi mewn gweithgor a thrafodaethau gyda swyddogion, ond bydden ni'n dal i groesawu cynllun clir ar gyfer taclo tlodi. Rydyn ni hefyd wedi codi cwestiynau ynghylch y terfyn 2-blentyn gyda llywodraeth y Deyrnas Unedig, cyhoeddwyd yma Rydyn ni wedi cyflwyno tystiolaeth i Ymchwiliad y Pwyllgor Dethol ar Faterion Cymreig ynghylch Budd-daliadau a Chymru.	Rydyn ni'n croesawu'r gwaith sy'n parhau i fwyafu incwm a manteisio ar fudd-daliau lles, ac mae'n cefnogi'r gwaith hwn. Erbyn mis Ebrill 2022 rydyn ni eisiau gweld adolygiad o gymhwysedd ar gyfer prydau ysgol am ddim, a chynllun clir gan LIC ar gyfer taclo tlodi plant ac anghydraddoldeb yng Nghymru.
Cefnogaeth i laith Arwyddion Prydain (BSL) support	2016-17	<ul style="list-style-type: none"> Statws digonol i BSL yn y cwricwlwm newydd, gyda chanllawiau i gyd-fynd â hynny 	AMBR	Rydyn ni wedi cynnal cyfarfod bord gron gyda sefydliadau ac unigolion b/Byddar, a rhannu'r canfyddiadau gyda Llywodraeth Cymru.	Nododd ein digwyddiad bord gron rai materion i'w trafod ymhellach gyda Chyngor y Gweithlu Addysg; byddwn ni'n

		<ul style="list-style-type: none"> Gwella mynediad at gefnogaeth yn y gymuned ar gyfer teuluoedd sydd angen dysgu BSL Siarter BSL 		Rydyn ni wedi ymateb i ymgynghoriadau LIC ar y Cwricwlwm.	<p>helpu i drefnu'r trafodaethau hynny.</p> <p>Erbyn mis Ebrill 2022 rydyn ni eisiau gweld canllawiau diwygiedig ar gyfer y cwricwlwm, a chynnydd o ran y Siarter y mae gwaith yn cael ei wneud arni ar hyn o bryd.</p>
Trafnidiaeth	2016-17 2017-18	Estyn cymhorthdal trafndiaeth llawn i bawb o dan 18 oed o leiaf	COCH	<p>Rydyn ni wedi cwrdd â swyddogion a'r Gweinidog i drafod y mater yma, yn ogystal â'r pleidiau gwleidyddol mewn perthynas â'u maniffestos ar gyfer etholiad 2021.</p> <p>Fe wnaethon ni ymateb i ymgynghoriad LIC ar y strategaeth drafndiaeth.</p>	<p>Cawson ni ein siomi nad oedd ymrwymiad i gymhorthdal trafndiaeth llawn i bawb o dan 18 oed yn y Maniffesto na'r Rhaglen Lywodraethu.</p> <p>Erbyn mis Ebrill 2022 rydyn ni eisiau gweld, ochr yn ochr â'r Adolygiad Teithio, mwy o gydnabyddiaeth o effaith costau trafndiaeth gyhoeddus ar bobl ifanc, a chynnydd at gyflawni polisiau tecach iddyn nhw, yn unol â hawliau plant.</p>
Gofal Plant	2016-17	Galluogi mwy o blant i gael mynediad i ofal plant am ddim, yn ifancach, neu hyd yn oed os yw eu rhieni mewn addysg / hyfforddiant / yn ddi-waith ar hyn o bryd, fel bod pob plentyn ifanc yn elwa o'r datblygiad iaith a sgiliau y gall gofal plant o safon ei gynnig iddyn nhw.	AMBR	<p>Rydyn ni wedi bod mewn cysylltiad â swyddogion ynghylch polisiau gofal plant yn ystod y pandemig.</p> <p>Rydyn ni wedi croesawu'r ddarpariaeth i blant mewn sefyllfa fregus yn ystod y pandemig, er enghraifft mynediad i hybiau gofal plant.</p>	<p>Roedd newidiadau i'r polisi yn ystod y pandemig yn adlewyrchu bod modd cynnig gofal plant ar sail anghenion / sefyllfa fregus y plentyn yn hytrach na statws cyflogaeth y rhieni.</p> <p>Erbyn mis Ebrill 2022 rydyn ni eisiau gweld LIC yn ystyried ymhellach sut gall gofal plant ddiwallu anghenion plant, yn</p>

					hytrach nag ymateb i amgylchiadau gwaith rhieni yn unig. Gall fod angen newidiadau i'r sector mewn ymateb i drefniadau gweithio mwy hyblyg a gweithio gartref.
--	--	--	--	--	--